

প্রিমিয়ার ফুটবল লীগ

কে পাবে শিরোপা

ইমরুল সুমন

জমে উঠেছে প্রিমিয়ার ব্যাংক সিনিয়র ডিভিশন ফুটবল লীগ। শিরোপা লড়াইয়ের পাশাপাশি রেলিগেশন সেভ করতে মরিয়া ঢাকার দলগুলো। মোহামেডান, ব্রাদার্স, মুক্তিযোদ্ধা ও আবাহনী শিরোপা জেতার জন্য জোর চেষ্টা চালিয়ে যাচ্ছে। একইভাবে অবনমন ঠেকাতে কঠোর সংগ্রাম করছে দীপালী, ওয়াভারার্স, ইয়ংমেন্স ফকিরেরপুল, আরামবাগ ও শেখ রাসেল। নতুন করে প্রিমিয়ারে ওঠা ফরাশগঞ্জের লক্ষ্য দ্বিতীয় পর্বে ভালো অবস্থান গড়া। লীগের পারফরমেন্সের ওপর ভিত্তি করেই জাতীয় দলের খেলোয়াড় বাছাই করা হবে। সে কারণে ফুটবলাররাও ভালো খেলতে মরিয়া। তবে বৃষ্টিভেজা ভারী মাঠে ভালো খেলাটা বেশ কঠিন। কাদা মাঠে খেলতে গিয়ে আলফাজ, ফয়সাল, মাসুদ রানা, নিজাম, কাঞ্চনের মতো বেশ কিছু তারকা ফুটবলার ইনজুরির কবলে পড়েছেন। বঙ্গবন্ধু স্টেডিয়ামে খেলা দেখতে দর্শক আসা শুরু করেছে। মৌসুমের শুরুতে আবাহনীর সাফল্য দেখে সংশ্লিষ্ট ক্লাবটির সমর্থকরা ভিড় জমাতে শুরু করে গ্যালারিতে। এখন গ্যালারিতে ভিড় জমাচ্ছে মোহামেডানের সমর্থকরা। সাদা-কালো শিবিরের সাফল্যে স্বভাবতই উচ্ছ্বসিত সংশ্লিষ্ট ভক্তরা।

মৌসুমের প্রথম দুটো ফুটবল টুর্নামেন্টে ব্যর্থ হলেও ঐতিহ্যবাহী মোহামেডান প্রিমিয়ার ফুটবল লীগে বেশ এগিয়ে। ২৩ পয়েন্ট নিয়ে তারা প্রথম পর্বের খেলা শেষ করেছে। দ্বিতীয় পর্বের প্রথম ম্যাচেও ৩-১ গোলে হারিয়ে দিয়েছে দীপালীকে। ১০ খেলায় ২৬ পয়েন্ট নিয়ে সাদা-কালো শিবির পয়েন্ট তালিকার শীর্ষে। ফেডারেশন কাপ চ্যাম্পিয়ন ব্রাদার্স দ্বিতীয় স্থান থেকে প্রথম পর্ব শেষ করেছে। প্রথম পর্ব শেষে



j M i i i A v M A b k j b x t Z e - - j , t j v

তাদের সংগ্রহ ২০ পয়েন্ট। স্বাধীনতা দিবস গোল্ডকাপ চ্যাম্পিয়ন মুক্তিযোদ্ধা ১৬ পয়েন্ট নিয়ে তৃতীয় স্থানে থেকে প্রথম পর্বের খেলা শেষ করে। আধুনিক ফুটবলের প্রবর্তক দাবিদার

আবাহনী এবার কিছুটা পিছিয়ে। ৯ খেলায় ১৫ পয়েন্ট পেয়ে তারা প্রথম পর্বের খেলা শেষ করে। অবস্থান চতুর্থ। ১৪ পয়েন্ট পাওয়া ফরাশগঞ্জ পঞ্চম স্থানে। গেলবারের রানার্সআপ শেখ রাসেল পিছিয়ে পড়েছে শিরোপা লড়াই থেকে। ১২ পয়েন্ট পাওয়া শেখ রাসেল শিবিরে এখন রেলিগেশন আতঙ্ক। চ্যাম্পিয়ন হওয়ার চেয়ে রেলিগেশন সেভ করাটাই তাদের প্রধান

লক্ষ্য। নবাগত দীপালী, ঐতিহ্যবাহী ওয়াভারার্স, জায়ান্ট কিলার ইয়ংমেন্স ফকিরেরপুল ও আরামবাগে রেলিগেশন-শঙ্কা। দ্বিতীয় পর্বে বেশ ক'দিন খেলা হবে একটি



‘এখনো ৪টি দল লীগ রেসে’ জোসী

কোচ, মোহামেডান

আমি মনে করি মোহামেডানের

পাশাপাশি আরো তিনটি দল এখনো প্রিমিয়ার ফুটবলের লীগ রেসে। ব্রাদার্স ও মুক্তিযোদ্ধা ভালোভাবেই চ্যাম্পিয়ন ফাইটে আছে। সে তুলনায় আবাহনী কিছুটা পিছিয়ে। প্রথম পর্বে আমরা অপরায়েজয় ছিলাম। ফিরতি লীগে তারই ধারাবাহিকতা বজায় রাখতে চাই। একটি পয়েন্টও হারাতে চাই না। এখনো আমাদের চটি খেলা বাকি। এখনই বলা সম্ভব নয় চ্যাম্পিয়ন হবে। ৩ পয়েন্টের খেলা। সবগুলো খেলাই গুরুত্বপূর্ণ। তবে আমরা চেষ্টা করছি দ্বিতীয় পর্বেও সেরার তালিকায় থাকতে।



‘ভাগ্য আমাদের ফেভার করছে’ আলফাজ

অধিনায়ক, মোহামেডান

চ্যাম্পিয়ন কোন দল হবে এখনই সেটা বলা যাবে না। শিরোপা জিততে এখনো অনেক পথ বাকি। প্রতিটি ম্যাচেই আমাদের ভালো করতে হবে। প্রচণ্ড গরম এবং কদমাক্ত ভারী মাঠে খেলতে বেশ কষ্ট হচ্ছে। ইনজুরি সমস্যাও বৃদ্ধি পাচ্ছে। প্রথম পর্বে ভালো করেছি, ম্যাচ জিতেছি। এ ক্ষেত্রে ভাগ্য আমাদের ফেভার করেছে। দ্বিতীয় পর্বেও সে ফেভার প্রয়োজন। তবে আমরা শিরোপা জয়ের ব্যাপারে বেশ আশাবাদী।

করে। ফিকশচারে ২টি করে খেলাও রাখা হয়েছে। একটি করে খেলা থাকলে তা শুরু হবে বিকাল ৫টায়। দুটি করে খেলা যে দিন থাকবে সে দিন প্রথম খেলা ৪টায় ও দ্বিতীয় খেলা ৬টায় শুরু হবে।

প্রিমিয়ার ফুটবলের প্রথম পর্বের খেলায় বেশ কিছু আলোচিত ঘটনা ঘটে। কোচ শফিকুল ইসলাম মানিককে দীর্ঘ ৯ বছর পর বিদায় করে অস্ট্রেলিয়ান জর্জ কোটানকে কোচের দায়িত্ব দিয়ে চমক দেখায় মুক্তিযোদ্ধা সংসদ ক্রীড়া চক্র। দায়িত্ব নিয়ে ফরাশগঞ্জের বিরুদ্ধে প্রথম ম্যাচে ২-০ গোলে দলকে জেতালেও দ্বিতীয় ম্যাচেই



‘টানা জয়ের বিকল্প নেই’

অমলেশ সেন
কোচ, আবাহনী

দ্বিতীয় পর্বে আমাদের টানা জয়ের বিকল্প নেই। প্রিমিয়ার ফুটবলের লীগ শিরোপা

জিততে মরিয়া ৬টি দল। এর মধ্যে এগিয়ে আছে তিনটি। তবে দ্বিতীয় পর্বে অনেক উত্থান-পতন হবে বলেই আমাদের বিশ্বাস। দলে আমাদের তরুণ ফুটবলারই বেশি। সে কারণে ধারাবাহিক সাফল্য পাওয়া কঠিন হচ্ছে। বিদেশী তিন ফুটবলার দলে আসায় শক্তি কিছুটা বেড়েছে। দ্বিতীয় পর্বে এই শক্তি আমাদের কাজে লাগবে। সাফল্যের জন্য আবাহনীর ফুটবলাররা মরিয়া। শিরোপা পুনরুদ্ধারের সুযোগ পাবো বলেই মনে হচ্ছে।

‘অন্যদেরও পয়েন্ট হারাতে হবে’

জয়

অধিনায়ক, আবাহনী

আমাদের সাফল্যের জন্য এখন অন্যদের ব্যর্থতাটা বেশ গুরুত্বপূর্ণ হয়ে উঠেছে। প্রিমিয়ার লীগ শিরোপা পেতে আমাদের পয়েন্ট পাওয়ার পাশাপাশি অন্যদেরও পয়েন্ট হারাতে হবে। ৯টি ম্যাচে আমাদের জেতাটা গুরুত্বপূর্ণ। সেই সঙ্গে শিরোপা প্রত্যাশী তিনটি দলকেও পয়েন্ট খোয়াতে হবে। প্রথম পর্বের ব্যর্থতা দ্বিতীয় পর্বে কেটে যাবে বলেই মনে করছি। সে লক্ষ্য নিয়েই মাঠে নামবো।



হাটখান কোটান। ইয়ংমেন্স ফকিরেরপুল ২-১ গোলে মুক্তিযোদ্ধাকে হারিয়ে চমক দেখায়। সে ম্যাচে লালকার্ড পাওয়া মিডফিল্ডার কাম লিবারো ইকবালকে দায়িত্বহীনতার কারণে আর্থিক জরিমানাসহ কঠিন শাস্তি দেয়ার চিন্তাভাবনা করছেন মুক্তিযোদ্ধার কর্তারা। এর আগে রেফারি তৈয়ব হাসান বাবুর হাত থেকে হলুদ কার্ড কেড়ে নিয়ে লালকার্ডসহ বেশ ক’ম্যাচ সাসপেনশনে থাকেন নির্ভরযোগ্য ডিফেন্ডার হাসান আল মামুন। মুক্তিযোদ্ধা দ্বিতীয় পর্বের প্রথম ম্যাচে আবাহনী মুখোমুখি হবে ফকিরেরপুলের। এই ম্যাচ বহিষ্কারের

কারণে খেলতে পারবেন না ইকবাল এবং মামুন। মৌসুমের শুরু থেকেই বিদেশী কোচ ও ফুটবলার এনে চমক দেখিয়েছিল মোহামেডান। স্বাধীনতা দিবস গোল্ডকাপে দলের ব্যর্থতার দায় নিয়ে বিদায় নিতে হয় কোরিয়ান কোচ ম্যান ইয়াং ক্যাং, ফুটবলার কিম তায়ে ইয়ং ও কিম জে হুকে। লীগের শুরুতে দলের কোচের দায়িত্ব দিতে আমেরিকা থেকে উড়িয়ে আনা হয় নাইজেরিয়ার সুপার ঙ্গল তারকা এমেকা ইউজিগোকে। সঙ্গে আসেন আরো দু’ফুটবলার। কিন্তু মোহামেডান কর্তাদের সঙ্গে আর্থিক বিষয়ে বনিবনা না

হওয়ায় তারা ফিরে যান।

সাবেক তারকা উইঙ্গার কাজী জসিম উদ্দিন জোসী এখন মোহামেডানের ফুটবল কোচিংয়ের দায়িত্বে। উপদেষ্টা হিসেবে তাকে সহায়তা করছেন গোলাম সারোয়ার টিপু। ফ্রান্সের মরোক্কান বংশোদ্ভূত স্ট্রাইকার মোহাম্মদ রেগেরেগিকে বিদেশীর কোটায় লীগে প্রথম খেলায় মোহামেডান। এক ম্যাচ খেলেই ইনজুরির কারণে দেশ ছাড়ে এই ফুটবলার। অপর দু’বিদেশী রবার্ট কেনেডি ও পিটার উদাফকে নিয়ে এখন লীগে খেলছে মোহামেডান। ইনজুরি সমস্যায় এরাও তেমন

সুবিধে করতে পারছেন না মাঠে। প্রথম পর্বে ইনজুরি সমস্যা নিয়েও মোহামেডান অপরাধিত দল।

ব্রাদার্স ফুটবল মৌসুম ভালোভাবেই শুরু করে ওয়াজেদ গাজীর কোচিংয়ে। মৌসুমের প্রথম দুটো টুর্নামেন্টে সাফল্য পাওয়া গোপীবাগের দলটিতে হঠাৎ করেই ছন্দপতন ঘটে। আরামবাগের মতো দলের কাছে তারা ১-০ গোলে হেরে যায়। এই বিপর্যয় কাটিয়ে ওঠে তারা শক্তিশালী মুক্তিযোদ্ধাকে ৩-১ গোলে হারিয়ে। তবে লীগের প্রথম পর্বের শেষ ম্যাচে তাদের শক্ত চ্যালেঞ্জ ছুঁড়ে দেয় শেখ রাসেল। সে ম্যাচে ২ গোলে পিছিয়ে থাকা ব্রাদার্স শেষ পর্যন্ত ২-২ গোলে ম্যাচ ড্র



‘যে মিস করবে সে বিপদে পড়বে’

ওয়াজেদ গাজী
কোচ, ব্রাদার্স

প্রিমিয়ার ফুটবলের

দ্বিতীয় পর্বে যে দল মিস করবে তারাই বিপদে পড়বে। ৩ পয়েন্টের খেলা। প্রতিটি ম্যাচ জেতা বেশ গুরুত্বপূর্ণ। কোনো দল পর পর দু’ম্যাচ জিতলে চাপ্তা হয়ে যাবে। একইভাবে কোনো ম্যাচ হারলে বিপদে পড়বে। শীর্ষ স্থানের অধিকারী মোহামেডানের সঙ্গে আমাদের ৩ পয়েন্টের পার্থক্য। শিরোপা জয়ের জন্য এই দূরত্বটা খুব বেশি নয়। প্রথম পর্বে সামান্য ভুলের জন্য একটি ম্যাচ হেরেছি। এবার সে ভুল করতে চাই না। শেষ ম্যাচ মোহামেডানের সঙ্গে। বাকি খেলায় জিতলে শেষ ম্যাচে চমক দেখাবে ব্রাদার্স।

‘ছন্দ ফিরে পেয়েছে ব্রাদার্স’


সুজন
অধিনায়ক, ব্রাদার্স

প্রিমিয়ার লীগে

হঠাৎ করেই ছন্দপতন ঘটেছিল আমাদের। সে সমস্যা কাটিয়ে উঠেছি। ছন্দ ফিরে পেয়েছে ফুটবলাররা। মাঠে লড়াই করছে ব্রাদার্স। দ্বিতীয় পর্বেও আমরা ভালো খেলে ম্যাচ জিততে চাই। শিরোপা জয়ের সামর্থ্য আছে ব্রাদার্সের। মাঠে সেটার প্রমাণ দিতে চাই। দলের সবাই শিরোপা ধরে রাখতে বদ্ধপরিকর। আশা করি, প্রিমিয়ার ফুটবলের চ্যাম্পিয়ন ট্রফি এবারো গোপীবাগেই আসবে।



করে মাঠ ছাড়ে। শেখ রাসেলের গোলরক্ষক আজম বিপ্লব ও অধিনায়ক ইগির মোহাম্মদ লালকার্ড দেখে মাঠ ছাড়লে ব্রাদার্সের খেলায় ফিরে আসার সুযোগ হয়। অখ্যাত মশিউরকে বদলি গোলরক্ষক হিসেবে খেলিয়ে ভরাডুবি ঘটে শেখ রাসেলের। শেখ রাসেল তাদের সাবেক এক নম্বর গোলরক্ষক আপেলকে শৃঙ্খলাভঙ্গের কারণে দল থেকে বের করে দিয়েছিল। গোলরক্ষক হিসেবে নিয়মিত খেলা বিপ্লব বহিষ্কার হওয়ায় এবং মশিউর নির্ভরযোগ্য মনে না হওয়ায় আপেলকে ফিরিয়ে আনতে তারা বাধ্য হয়। দ্বিতীয় পর্বে প্রথম ম্যাচে ফরাশগঞ্জের মুখোমুখি হবে



‘দ্বিতীয় পর্বে
যেকোনো
অঘটন
ঘটতে পারে’

জর্জ কোটান
কোচ, মুক্তিযোদ্ধা


প্রিমিয়ার ফুটবলের দ্বিতীয় পর্বে যেকোনো অঘটন ঘটতে পারে। পয়েন্ট তালিকার শীর্ষে থাকা দলের চেয়ে খুব একটি পিছিয়ে নেই আমরা। প্রিমিয়ারের নিচের সারির দলগুলো অস্তিত্ব রক্ষার জন্য মরণ কামড় দেবে। এরাই বদলে দিতে পারে দৃশ্যপট। আমরা অতীত নিয়ে ভাবতে চাই না। সামনে এগুতে চাই। দলের সবাইকে বলেছি সাফ ফুটবলে খেলা বাংলাদেশ দলের মতো একাট্টা হয়ে খেলতে। আমি আশাবাদী, এখনো শিরোপা জয়ের সামর্থ্য আছে মুক্তিযোদ্ধা সংসদ ক্রীড়া চক্রের।

‘বাকি ৯টি
ম্যাচ জিততে
চাই’

আমিনুল
অধিনায়ক, মুক্তিযোদ্ধা

আমাদের টার্গেট
শিরোপা নয়। আগামী

৯টি ম্যাচ শুধু জিততে চাই। তারপর দেখা যাবে কি হয়। কোটান আসার পর আমরা মানসিকভাবে বেশ উজ্জীবিত। দ্বিতীয় পর্বে ইয়ংমেন্স ফকিরেরপুলের বিরুদ্ধে প্রথম ম্যাচের পরই আমরা দলের সবাইকে একসঙ্গে পাচ্ছি। সবাই একসঙ্গে মাঠে নামতে পারলে আমাদের সামনে অন্য দল দাঁড়াতে পারবে না। হাসান আল মামুন ও ইকবাল সাসপেনশন কাটিয়ে দলে ফিরলে আমরা শক্তিশালী হয়ে যাবো।



প্রিমিয়ার ফুটবলের ফিকশচার (আংশিক)

তারিখ	খেলা	সময়	মাঠ
২৭ জুলাই	মোহামেডান-ওয়াশার্স	বিকাল ৫টা	বঙ্গবন্ধু
২৮ জুলাই	ব্রাদার্স-ইয়ংমেন্স	বিকাল ৫টা	বঙ্গবন্ধু
২৯ জুলাই	ফরাশগঞ্জ-দীপালী	বিকাল ৪টা	বঙ্গবন্ধু
	মুক্তিযোদ্ধা-আরামবাগ	বিকাল ৫টা	বঙ্গবন্ধু
৩০ জুলাই	আবাহনী- শেখ রাসেল	বিকাল ৫টা	বঙ্গবন্ধু
৩১ জুলাই	মোহামেডান-ইয়ংমেন্স	বিকাল ৫টা	বঙ্গবন্ধু
১ আগস্ট	ব্রাদার্স-আরামবাগ	বিকাল ৫টা	বঙ্গবন্ধু
২ আগস্ট	মুক্তিযোদ্ধা-শেখ রাসেল	বিকাল ৫টা	বঙ্গবন্ধু
৩ আগস্ট	ওয়াশার্স-দীপালী	বিকাল ৫টা	বঙ্গবন্ধু
	আবাহনী-ফরাশগঞ্জ	বিকাল ৬টা	বঙ্গবন্ধু
৪ আগস্ট	মোহামেডান-আরামবাগ	বিকাল ৫টা	বঙ্গবন্ধু
৫ আগস্ট	ব্রাদার্স-শেখ রাসেল	বিকাল ৫টা	বঙ্গবন্ধু

শেখ রাসেল। প্রথমে পর্বে শেখ রাসেলকে ১-০ গোলে হারিয়ে দিয়েছিল ফরাশগঞ্জ।

আবাহনীর দুঃসময় চলছে। নিয়মিত গোলরক্ষক নিজাম ইনজুরির কবলে পড়লে এবং ডিফেন্ডার প্রদীপ

মাথায় ব্যথা পেলে আবাহনীর সেরা একাদশ নড়বড়ে হয়ে যায়। অধিনায়ক জয়, বিদেশী এনডেম লাল কার্ড দেখে মাঠ ছাড়ার ঘটনাটিও দলে চাপ সৃষ্টি করে।

তরুণ ফুটবলারদের নিয়ে গড়া আবাহনীর শিরোপা লড়াইয়ে ফিরে আসা বেশ কঠিন। প্রিমিয়ার ফুটবলে ডিসিপ্লিনারি কমিটি

প্রথম পর্ব শেষে পয়েন্ট তালিকা						
দল	খেলা	জয়	ড্র	পরাজয়	গোল	পয়েন্ট
মোহামেডান	৯	৭	২	০	২০/৫	২৩
ব্রাদার্স	৯	৬	২	১	১৯/৭	২০
মুক্তিযোদ্ধা	৯	৫	২	২	১৪/১১	১৬
আবাহনী	৯	৪	৩	২	১৬/১১	১৫
ফরাশগঞ্জ	৯	৪	৩	২	৭/৭	১৪
শেখ রাসেল	৯	৩	৩	৩	১৭/৭	১২
আরামবাগ	৯	৩	৩	৩	১১/১৩	৯
ইয়ংমেন্স	৯	২	৩	৪	১১/১৩	৯
ওয়াশার্স	৯	২	৩	৪	৬/২১	৪
দীপালী	৯	০	২	৭	১২/২৪	২

নিয়মভঙ্গের জন্য ফুটবলার, কোচ ও কর্মকর্তাদের পাশাপাশি রেফারিদেরও শাস্তি দিয়ে সবার প্রশংসা কুড়িয়েছে। ফিফা রেফারি তৈর্যব হাসান বাবু এ কারণে বেশক’টি ম্যাচ চালাতে পারবেন না। প্রিমিয়ার ফুটবলে ব্রাদার্সের গোলরক্ষক তারেক, স্ট্রাইকার এমেলি, ইয়ংমেন্সের অধিনায়ক ও ফরোয়ার্ড রবিন, আরামবাগের অধিনায়ক ও মিডফিল্ডার ইমরুল, গোলরক্ষক শাকিল, ফরাশগঞ্জের গোলরক্ষক পিরু, জিয়া, আবাহনীর জাহেদ, মোহামেডানের আরমান আজিজ, রনি, শেখ রাসেলের তানভীর তরুণ ফুটবলার হিসেবে সবার নজর কেড়েছে। লীগের পারফরমেন্সের ওপর ভিত্তি করেই জাতীয় ফুটবল দলের প্রাথমিক ক্যাম্প ডাকা হবে। বাফুফের চার ফুটবল কোচ হাসানুজ্জামান বাবলু, মাহবুব হোসেন রশ্মি, জোবাইদুর রহমান নীপু ও সৈয়দ গোলাম জিলানী প্রাথমিক ফুটবলারদের বাছাই করছেন।

সুস্থ খাসির মাংস

খাসি ভেবে বক্রীর মাংস L14'0b না তো? বিয়ে, জন্মদিন কিংবা অন্য যে কোনো অনুষ্ঠানের জন্য আমরা নিজস্ব খামারে, আধুনিক পরিচর্যায় বেড়ে ওঠা সুস্থ খাসির মাংস সরবরাহ করে থাকি। নিশ্চয়তা রয়েছে স্বাস্থ্যসম্মত মাংসের। প্রয়োজনে আপনার সামনে জবাই করে দেয়া হবে।

ব্ল্যাক বেঙ্গল গোট ফার্ম
ফোন : ৯১১৩৭৭১, ০১৭১৩৮৭৩৫৪,
০১৭১৯০৭৪৭৪